

## Bank Islam serah sumbangan RM300,000 ke IJN

BANK Islam Malaysia Berhad menyampaikan sumbangan berjumlah RM300,000 kepada Yayasan Institut Jantung Negara (YIJN).

Sumbangan ini adalah hasil daripada inisiatif pendanaan awam Islamik digital (digital Islamic crowd-funding), Sadaqa House.

Ia bertujuan untuk membiayai kos perubatan dan pembedahan pesakit jantung daripada golongan yang memerlukan terutamanya dari kalangan kanak-kanak yang berasal dari keluarga yang kurang berkemampuan.

Penyerahan sumbangan tersebut telah disampaikan oleh Ketua Pegawai Eksekutif Bank Islam, Khairul Kamarudin kepada Pengerusi Jawatankuasa Sosial dan Kebajikan yang juga Ahli Lembaga Pemegang Amanah, YIJN, Yang Mulia Raja Datin Seri Zuraida Raja Mansur di Institut Jantung Negara (IJN) Kuala Lumpur, sambil disaksikan oleh Ketua Pegawai Eksekutif, IJN, Datuk Seri Dr. Mohd Azhari Yakub.

Khairul Kamarudin berkata, de-



ngan adanya platform pendanaan awam Islamik seperti Sadaqa House ini, Bank Islam akan dapat

meneruskan lagi agenda kewangan sosial di mana kami dapat meluaskan lagi jangkauan kepada golongan penerima manfaat dari sektor-sektor kebajikan sosial yang memerlukan bantuan kewangan.

"Ini merupakan salah satu strategi kami ke arah membasmi kemiskinan sekali gus mengetengahkan konsep rangkuman kewangan



di kalangan masyarakat yang kurang mendapat perhatian,"katanya di sini.

Menurut beliau, Sadaqa House juga merupakan agenda kewangan sosial di mana mereka menggalakkan masyarakat melabur secara beretika bagi menyokong pembangunan ekonomi dalam sektor-sektor yang kurang mendapat perhatian.

"Kami menggalakkan orang ramai untuk menyumbang demi kebaikan dan kesejahteraan bersama dalam projek-projek kewangan so-

sial yang menjadi pilihan mereka.

"Dan dengan adanya tawaran nilai yang menggalakkan ketelusan dan urus tadbir yang baik, penyumbang boleh bersedekah dengan lebih yakin dan Bank Islam akan memastikan dana yang disumbangkan disalurkan dengan sewajarnya serta melaporkan progres projek kepada umum.

"Kami menjangkakan bahawa ia juga akan memberi manfaat ekonomi berganda dan mapan bermentas rantaian bekalan,"katanya.